

تقدمة القرايين

1. الشمعة: منقّدملك يا ربّ هالشموع: شموع عيلة "زوين" وهنّي عبارة عن إشعاع نورك بكلّ قلب بهالعيلة حتّى يعيشوا دائماً المصالحة والسلام الداخلي ويتركوا الروح يجدد قلوبن ويبقى نورك مضوي بحياتن للأبد. آمين.

2. آخر عمادة: صوفيا زاميتو هي آخر طفل تعمّد عا إيد أبونا إيلي في ليمنغتون. يا ربّ منقّدملك هالوردة، وردة الطفولة والسلام، عربون استسلام للروح القدس حتّى تحوّل كلّ معمودية بالمّي، لمعمودية بالروح القدس والنار، حتّى يكون كلّ واحد منّا بدورو، نبي حامل كلمة الله بأمانة وبمحبة غافرة. آمين.

3. آخر قربانة أولى: مليسا جاكوب هي آخر بنت استقبلت يسوع بقلبها لأوّل مرّة من إيد أبونا إيلي. من بعد شهادة بولس وشهادة يوحنا لرؤية الروح القدس النازل من السما مثل الحمامة، وإعترافن بيسوع المسيح ابن الله، منقّدملك يا ربّ استمرارنا بالشهادة لأجل إسمك حتّى تتجلّى لآلنا ونفتحلك قلوبنا وآذاننا لسماع كلمتك. أعطينا نعيش دائماً مواعيد عمادنا من خلال الشهادة والمحبة حتّى نلقى وجهك الحبيب فينا. آمين.

4. أوّل عرس: طوني وفيكي طويل كانوا أوّل عرس في ليمنغتون على إيد أبونا إيلي. منقّدملك يا ربّ البوم، كلّ عيلة كنت حاضر بعرسا وأفراحا. وامتل ما دعيتنا حتّى نلتزم بالأسرار ودعيت كلّ شخصين حتّى يوقفوا قدّام مذبحك، أعطينا نقدّم دائماً ذواتنا لآلك، حتّى هالعيل تتكرّس وتتبع تعاليمك ويكون صوتك، صوت الرجا الصارخ والمدوّي بقلوبن، ويشعّ الفرح على وجوهن. آمين.